

tuo Christianis objicerent, Christum a Pilato vere crucifixum, et necatum fuisse: nulla ergo *nihil* causa, cur Justinus exemplum Incarnationis adderet ad probandum Christum habuisse veram carnem. Praeterea, si Eucharistia nihil esset nisi panis significans carnem Christi, nihil inde concluderetur contra Marcionem: nam diceret ille Christum habuisse carnem phantasticam, et apparentem, et eam significare per Eucharistiam; ideo voteros non probant ex signo isto Eucharistie, Christum habuisse veram carnem, sed probant et communis sententia, et fide Ecclesiae, que erat, Eucharistiam esse vere carnem Salvatoris. Quocirca (ut dicit Ignatius) heretici illi simpliciter repudiant Eucharistiam. Denique Justinus comparat Eucharistiam cum Incarnatione, quod modo, quo utrumque factum est: dicit enim eo modo per preces verbi Dei panem fieri Eucharistiam, et tunc esse carnem Christi: quomodo per verbum Dei, id est, per virtutem, seu imperium Dei, Incarnatione facta est. At si Eucharistia non esset corpus Christi, nisi significativa, non esset opus illa precessorietaria, sed satis esset prima insitutio Christi: unde etiam Calvinista nullam adhibent consecrationem. Ergo Justinus, qui scribit panem Eucharistiae fieri corpus Christi per preces verbi Dei, credebat Eucharistiam non esse solam figuram, sed re ipsa corpus Christi.

Quod autem Martyr cavillatur, consecrationem apud nos non fieri prece, sed verbis illis: *Hoc est corpus meum*, nimis leve est, quia (ut supra sepe ostendimus) sancti Patres vocant mysticas preces omnium Sacramentorum formas, etiam non videantur habere formam precium; quia omnes illae forme, quounque modo prouinentur, continent invocationem Dei, cuius virtute Sacraenta, et eorum effectus producentur.

Videamus nunc quid Petrus Pseudomartyr afferat pro suo errore ex vero Martyre Justino. Duo igitur argumenta profert. Unum, ex hoc ipso loco a nobis citato, quod Justinus dicat, pane Eucharistiae ali corpora nostra: hinc enim colligit verum esse panem in Eucharistia, non autem corpus Christi, nisi significativa, non enim corpore Christi aluntur corpora nostra, sed animi tantum. Eamdem objectionem facit Boquinus in libro de cena Domini, sed Petrus Martyr proponit alter-

rum ex Dialogo cum Tryphone, ubi Eucharistiam vocat Justinus panem, et pocomum. Sed hoc posterius jam supradicatum est. Ad illud prius respondeo duplenter. Primo illa verba: «Ex quo carnes nostre per mutationem aluntur», esse periphrasis *panis*, ex quo coescit Eucharistia, ut sit sensus: Cibus ille, ex quo carnes nostre ali solent, cum prece' mystica consecratur, efficit corpus Christi. Neque obstat, quod Justinus prius meminerit consecrationis, quam dicat ex eo cibis ali carnes nostras: nam non dicit ipse, ex pane consecrato ali carnes nostras, ut adversarius contendit, sed dicit, per consecrationem cibum illum, ex quo carnes nostre aluntur, fieri corpus Christi.

Secundo respondeo, non esse novum apud veteres, ac praeferim Ireneum, Hilarium, Nyssenum, Cyrillum, et alios, ut Eucharistia dicatur alicet corpora nostra. Sed non intelligent Patres, cum hoc dicunt, Eucharistia nutriti, vel augeri mortales substantiam corporis nostri: sic enim facerent Eucharistiam cibum ventris, non mentis, quo nihil absurdius fingi potest: sed intelligunt, ut postea videbimus, per Eucharistiam ali corpora nostra ad immortalitatem, id est, suscipere ex contactu carnis Christi vim quandam, seu dispositionem ad gloriosam resurrectionem, et vitam immortalem: id quod ex verbis illis deducunt Joan. VI: *Qui manducat meam carnem, et bibit meum sanguinem, habet vitam eternam, et ego resuscitabo eum in novissimo die* (1). Sed de Justino hactenus.

CAPUT V.

Testimonium S. Pii I Papæ.

Jam vero Pius Papa I, qui eodem tempore sedi in Pontificatu quo Justinus florebat, statuit panem satis gravem in eos, quorum negligientiam aliquid dominici sanguinis interram, vel etiam super altare decidere: justis locum lambi, radi etc. ut patet ex Gratiano de *Consecratione* distinct. 2. canon. Si per negligentiam, et ex lib. 1. decreti Yonis, et lib. v. Burchardi. Quamvis autem non habemus nunc epistolam ipsam Pontificis, tam satis probabile reddit hoc testimonium,

(1) Joan VI, 55.

tum auctoritas Yonis, Burchardi, et Gratiani; tum etiam, quod legamus in Tertulliano, Origenem, Cyrillo, et aliis, qui proximi fuerunt his temporibus, summam diligentiam adhiberunt solitam in Ecclesia, ne quid Sacramenti hujus ullo modo in terram decideret. Testimonia Tertulliani, Origenis, et Cyrilli, infra suo loco ponentur.

Porro ista cautio argumentum est evidens fidei antiquorum. Si enim panis Eucharistia non esset corpus Christi, nisi representative, non esset adhibenda major diligentia, ne caderet in terram, quam ea sit, quam adhibemus, ne sacra Biblia in terram cadant, aut imago aliqua Christi, aut aqua Baptismi, aut quam adhibebant Hebrei in conservando manna, aut agno paschali. Quis autem audit unquam debere lambi, aut radi terram, ubi cecidisset codex Evangelii, aut imago, aut manna, aut aqua Baptismi? Ad hoc testimonium, non legi adversariorum responsum.

CAPUT VI.

Testimonium sancti Irenei.

Sequitur Ireneus, qui eodem saeculo floruit, quo Justinus, licet paulo posterius. Is igitur in lib. IV. contra heres, cap. 34. disputans contra hereticos, qui negabant Christum esse Filium Creatoris, et Creatorem mundi hujus, ita loquitur: «Quomodo autem constabit eis, cum panem, in quo gratia acte sint, corpus esse Domini sui, et caliceem sanguinis ejus, si non ipsum fabricatoris mundi Filium dicant, id est, Verbum ejus, per quod lignum fructificat, deflunt fontes, dat primum quidem fenum, post deinde spicam, deinde plenum triticum in spica?» Ex hoc loco nos tale argumentum facimus, Ireneus probat Christum esse Creatorem, ex eo, quod panis per consecrationem fit corpus Christi: igitur credebat re ipsa, et non sola significacione mutari panem in corpus Christi; nam mutatio realis requirit plane omnipotentiam Creatoris, non autem impositio nova significacionis.

Respondet ad hoc argumentum Petrus Martyr, libro *contra Gardinerum*, objecto 62. et 437: Ireneum non probare Christum esse Filium Creatoris, vel Creatorem ex transmutatione panis in corpus suum, sed ex eo,

quod utitur pane ad corpus suum significantem, et quia Patri gratias agit, cum pane illo utitur: non enim decobat, ut Filius illius Dei, qui est contrarius Creatori, uteretur rebus adversarii sui, et de illis Patri suo gratias ageret.

At contra; nam in primis argumentum ex usu rerum Creatoris fecerat Ireneus in proximis verbis superioribus: dixerat enim solam Ecclesiis recte offere Deo oblationem cum gratiarum actione ex creature ejus; hereticos autem offerre non posse, cum non agnoscant eum esse Creatorem. Quid ergo opus erat, ut rursus idem argumentum repeperet! Adde, quod illa verba: «Quomodo autem constabit eis etc.» indicant novum argumentum inchoari; aliqui dixisset: «Quomodo enim, si haec ratio ad argumentum praecedens pertinaret. Deinde, Ireneus hoc loco ex Eucharistia probat Christum non solum esse Filium Creatoris, sed etiam ipsum Creatorem, cum ait, non posse constare panem Eucharistiae esse corpus Domini sui, nisi faintetur ipsum esse Verbum illud, per quod lignum fructificat, deflunt fontes etc. At hoc argumentum nihil concludit, nisi ponamus veram, et realem mutationem in pane fieri. Posset enim Christus uti pane ad corpus suum significantem, etiam si non esset Creator illius panis; quemadmodum nos utimur hedera, quam non creavimus, ad vim designandum. Imo nec probat hoc argumentum Christum esse Filium Creatoris: potest enim uti rebus Creatoris etiam is, qui non est Filius Creatoris. Si quid autem probat, id solum est, Christum non esse adversarium Creatoris; nec enim uteretur rebus adversarii sui. At Ireneus Filium Creatoris, et Creatorem affirmat esse Christum ex hac mutatione panis in corpus suum.

Secundum testimonium est in eodem cap. in illis verbis: «Quomodo autem rursus dicunt, carnem in corruptionem devenire, et non percipere vitam, quem a corpore Domini, et sanguine ait?» Et paulo infra: «Quem admodum enim qui est a terra panis percipit vocacionem Dei, jam non communis panis est, sed Eucharistia ex duabus rebus constant, terrena, et celesti: sic et corpora nostra percipiunt Eucharistiam, jam non sunt corruptibili, spem resurrectionis habentia.»

Ex his verbis tria argumenta colligimus. Primum est: Corpora nostra incorruptibili sunt, quia aluntur corpore Christi: ergo

corpus Christi non solum animis percipitur, sed etiam corpore ex Ireneus sententia. At corpus non potest in cœlum condescendere, ut ibi gustet Christi carnem; ergo vere præsens est in Eucharistia ipsa Christi caro. Secundum est: Panis terrenus post invocationem Dei, seu mysticas preces, non est amplius communis panis, sed est cibus constans duabus rebus, una terrena, altera cœlesti. Non potest autem res illa colescere esse, nisi corpus Christi; igitur vere est in Eucharistia corpus Christi. Tertium: Ita panis mutatur ex terreno in cœleste per invocationem Dei, sicut corpora nostra mutabantur per Eucharistiam ex mortalibus in immortalia. Sed corpora nostra re ipsa fient immortalia, non autem sola significatio: igitur panis terrenus re ipsa fient corpus Christi, non sola significatio.

Ad omnia respondere conantur haeretici. Ad primum Beza respondet in *Cyclope*, per Eucharistiam corpora fieri immortalia, quia per eam fide apprehendimus Christum; ex ea fide renovatur anima; ea renovatio redundat in corporis, illudque facit paulatim aptum instrumentum Dei, et vita eternae capax.

At contra. Nam Ireneus ut adversarii contenti probare haereticis sui temporis veram carnis nostræ resurrectionem aliquando futuram; idque probat, quia ipsa caro nostra per Eucharistiam conjungitur immortali, et vivificatrii Christi carni. At si esset vera adversariorum sententia, Ireneai argumentum vel nihil concluderet, vel certe esset supervacuum. Nam qui negat resurrectionem carnis, non admittunt illam redundantiam gratie ex anima in corporis, in qua ponit Petrus Martyr totam vim argumentum Ireneai; neque admittent, quod dicit Beza, Christi corpus animo apprehensum, animam et corpus vivificare, imo dicent inde sequi, corpus non vivificare, sed solam animam, cum illa sola Christum apprehendat. Deinde, quid erat opus urgere tantopere Eucharistiam ad probandum resurrectionem, quod Ireneus facit, tum hoc loco, tum lib. v. et alibi? Nam satis erat dicere, Christum per fidem apprehensum vivificatum animas, et corpora nostra: impertinens autem est, unde

excitat illa fides, utrum sumptio Eucharistiae, aut Baptismi, aut solo Dei verbo, aut aliquo miraculo: ista enim omnia nihil sunt apud adversarios, nisi instrumenta excitandæ fidei.

Ad secundum respondet Martyr, lib. *contra Gardinerum*, objecto 152. et 153. Eucharistiam vocari panem non communem, quia est sacramentum quoddam, proinde panem sacrum non vulgare dici debere. Constat autem, ait, re terrena, et cœlesti, id est, symbolo, et re significata; licet res significata procul absit, sive pane, et sanctificatione. Est enim panis res terrena, sanctificationem autem, qua panis Sacramentum efficiter, res est cœlestis.

Utraque absurdia est explicatio: ac primum rem terrenam esse symbola, rem cœlestem esse rem significata, sed absentem, nullo modo fieri potest. Nam nihil constare dicitur ex eo, quod in ipso non est: Eucharistiam autem constare dicit Ireneus ex duabus rebus, terrena una, altera cœlesti; vult ergo utramque rem esse in ipsa Eucharistia.

Respondet Martyr, omnino constare posse aliquid ex eo, quod in ipso non est: « Nam serm noster, inquit, constat ex voce, et re significata; et tamen res significata sepe longissime abest a voce. Præterea Paulus dicit, Sacramenta veteris testamenti constituisse ex symbolis, et corpore Christi: manducabant enim eamdem escam nobiscum, » 1 Corinth. x. « At corpus Christi tam procilaberat, ut ne natum quidem esset. »

Hie vero prodit suam impertinens Petrus Martyr. Quis enim unquam dixit, sermonem constare ex voce, et re significata? nonne relative opponuntur signum, et res significata? quomodo igitur potest aliquid ex opposito constare? fefellit eum fortasse, quod dici solet, sermonem constare ex voce, et significazione. Sed significatio in ipsa voce est, ut relatio in suo subjecto; ac proinde non potest ex ea probare Petrus Martyr aliquid constare ex eo, quod in ipso non est. Quod vero addit desacramentis veteribus ex Paulo, impudens mendacium est. Nusquam enim Paulus dixit, Sacramenta vetera constituisse ex symbolis, et corpore Christi: nec dixit Patres veteris Testamenti manducasse eamdem escam nobiscum, ut supra sapientius avimus.

Jam vero illa altera expositi, qua per rem cœlestem intelligent consercationem, sive

sancificationem, que facile refelli potest. Nam nullum ipsi agnoscunt veram consercationem panis; quam enim nos adhibemus, incantationem vocant; sed soium illis conseratio est panem deputari a Deo ad sacramenti usum, id est, ut representet corpus Christi: qua conserratio nihil realiter ponit in pane, sed merum respectum rationis. Porro Ireneus de rebus loquitur, non de entibus rationis, cum dicit Eucharistium constare duabus rebus, una terrena, altera cœlesti. Et confirmatur argumentum ex ipso adversariorum testimonio. Nam eum queritur, quid sit res terrena, et nos dicimus esse accidentia panis sensibilia; illi clamant, rem terrenam debere esse substantiam, non sola accidentia. Si ergo res terrena, ut vere dici possit res, debet esse substantia; res cœlestis, ut res vere dici possit, nonne debet esse etiam substantia? quomodo igitur exponunt per rem cœlestem, consercationem, que in re nihil est? Præterea nemo ita loquitur de aliis sacramentis, ut dicat aqua Baptismi constare duabus rebus, una terrena, altera cœlesti; et tamen aqua Baptismi, symbolum est sacramenti, ut panis Eucharisticus. Denique conserratio non habet eam vim, quam tribuit Ireneus rei cœlesti in Eucharistia: ipse enim vult Eucharistiam, quia re cœlesti constat, facere corpora nostra immortalia ex mortalibus. At non habet sola conserratio istam virtutem, et præsertim secundum adversarios, qui nullam viam tribunt sacramentis, nisi ad fidem excitandam representando. Vera igitur expositi est, rem terrenam esse id, quod sensu percipiatur in Eucharistia (illud enim est revera substantia non sit, tamen vera res, et vere terrena est, aliqui sensibus corporalibus apprehendi non posset) rem cœlestem esse id, quod creditur minorum Christi corpus gloriosum et immortale.

Ad tertium nostrum argumentum respondet Petrus Martyr, lib. *contra Gardinerum*, objecto 152. ex verbis Irenei colligi contrarium ejus, quod nos volumus. Ille enim dicit, sic mutari panem per consercationem, et ex communis fieri sacram, et cœlestem, quomodo per ipsam Eucharistiam corpora nostra fiunt immortalia ex mortalibus. At nostra corpora non mutantur substantialiter, sed accidentaliter tantum; ergo et panis ille non mutatur nisi accidentaliter; quia nimur sit sacramentum religionis, cum antea cibus esset tantum vulgaris.

Respondeo duplice. Primo, que afflunt ut similia, debere esse similia in re, de qua disputatur, non autem in omnibus. Volebat autem Ireneus ostendere, corpora nostra vere resurgent, et fieri ex mortalibus immortalia: id ostendit hac similitudine. Sicut panis communis et prouide corruptibilis per consercationem fit panis cœlestis, et incorruptibilis, ita corpora nostra corruptibilis per Eucharistie conceptionem fluit incorruptibilita. In qua similitudine id requiritur, et sufficit, ut sicut corpora nostra vere mutantur, et fluit incorruptibilita ex corruptibilibus, ita panis ille communis vere mutetur et fiat incorruptibilis: utrum autem id fiat per mutationem substantie, aut accidentium, impertinens est, ut patet.

Secundo tamen respondeo cum Joann. a Lovanio in lib. *de Eucharistia*, Ireneum loqui de mutatione substantiali, tam panis, quam etiam corporum nostrorum. Nam loquitur de mutatione, qua si in resurrectione, quando pulveres, seu cineres corporum nostrorum mutabantur in corpora humana gloriosa, et immortalia: id enim apertissime Ireneus demonstrat lib. v. cap. 2. Ibi enim cum disisset non posse fieri, quin caro nostra resurgat immortalis, cum nutratur corpore et sanguine Christi, rebus nimur immortibus; ita subiungit: « Et quemadmodum lignum vitis depositum in terra suo fructificat tempore, et granum tritici decidens in terram, et dissolutum, multiplex surgit per spiritum Dei, qui continet omnia, que deinde per sapientiam in usum hominibus veniunt, et percipientia verbum Dei sunt Eucharistia, quod est corpus, et sanguis Christi: sic et nostra corpora ex ea nutrita, et reposita in terram, et resoluta in ea, resurgent in suo tempore Verbo Dei resurrectionem eis donante, in gloriam Dei Patris. » Ut pulchre Ireneus comparat corpora nostra cum grano tritici, quod in terra dissolvitur, et corruptitur; virtutem autem Eucharistie cum spiritu illo, seu genitali virtute, qua corruptum granum resurgere facit. Nam quemadmodum granum frumenti, etiam mutatum fuerit in putredinem, tamen proper illam vim genitalem, quam habet, resurgit in spicam: ita corpora nostra, quanvis in pulvere resolventur, tamen proper virtutem receptam a communicatione carnis, et sanguinis Domini, resurgent gloriosa, et immortalia. Et hoc est etiam, quod Ireneus significat, cum ait, corpora nostra consistere,

et angeri ex corpore et sanguine Christi; quia nimis Eucharistia facit, ut corpora non solum non perirent, sed etiam ut resurgent aucta pluribus domis, quam antea haberent: sicut etiam granum non resurgit simpliciter in granum, sed in spicam, id est, multiplicatum et auctum.

Unum argumentum ex Ireneus pro se adducit Petrus Martyr in lib. *contra Gardinerum* objecto 154. 156. 157. Nam Ireneus scribit, ipsum panem esse corpus Christi, quod non potest esse verum, nisi tropice accipiendo corpus Christi, lib. IV. cap. 32. «Eum, inquit Ireneus, qui est ex creatura, panem accepit, et gratias egit, dicens: Hoc est corpus meum; et calicem similiter, qui est ex ea creatura, qua est secundum nos, suum sanguinem confessus est.» Et libro eodem, cap. 34: «Quomodo constabit eum panem, in quo gratiae acta sunt, esse corpus Domini etc.» Et libro eodem, cap. 57: «Accipiens panem, suum corpus confiteatur.»

Respondeo: Ireneus non significat panem simpliciter esse corpus Christi, sed panem in quo gratiae acta sunt, id est, panem sanctificatum, et factum Eucharistiam, ut Justinus loquebatur, *προστίθεντας τοις θυσίαις*. Credibile enim omnino est, Ireneum eadem voce gracula usum, quam interpres non potuit redere unica voce, sed per circumlocutionem expressit. Porro, panis factus Eucharistia, vere, et proprie est corpus Christi. Similis locutio esset, si quis diceret: Virga Mosis versa in draconem ambulabat, et comedebat: et aqua a Christo in vinum conversa, colore, et saporem vini habebat.

Proferet etiam aliud argumentum Petrus Martyr ex eo, quod Ireneus dicit, corpore Christi ali, et angeri corpora nostra. Sed hoc jam est solutum.

CAPUT VII.

TERTIA ETAS ECCLESIE AB ANNO DOMINI
200 AD 300.

Testimonium Tertulliani.

In tertia etate habemus tres testes, Tertullianum, Origenem, Cyprianum. Tertullianus ad initium anni 200 floruit, et quamvis ha-

relicus fuerit Montanista in extrema etate sua, tamen a nullo veterum Patrum reprehenditur hoc nomine, quod erraverit circa Sacramentum Domini corporis. Itaque potest ad testimonium dicendum, tanquam auctor antiquissimus et doctus, admitti, ut etiam cum admittunt heretici hujus temporis.

Is igitur in lib. II. *ad Uzorem*, cum hortaret feminas Christianas, ut non nubarent gentilibus maritis, prater alia argumenta, quibus id persuadere nititur, unum sumit ab Eucharistie communicatione. Nam aut oportebat clam marito sumere Eucharistiam, et hoc vix fieri poterit; aut illo sciente, et tum exponetur Sacramentum contemptu. «Non scit, inquit, maritus quid secreto ante omnem cibum gustes; et si sciverit, panem, non illum credit esse qui dicitur.» Hec ille. Ubi Tertullianus satis aperte indicat Eucharistiam non esse panem materiale, licet id videatur esse gentilibus, sed esse Christum.

Respondet Petrus Martyr in lib. *contra Gardinerum*, objecto 160. velle Tertullianum dicere, gentiles non scire Eucharistiam esse sacramentum, sed prophanum panem solummodo credere.

At repugnat ratio grammatica. Nam Tertullianus ait: «Et si sciverit, panem non illum credit esse, qui dicitur:» non autem ait: Non illum credit esse, quod dicitur: certe sacramentum est generis neutri, non masculini. Denique nulla difficultas erat, vel feminae Christianae significandi panem illum esse sacramentum, quod representaret Christum; vel viro gentili id credendi. Tertullianus autem loquitur de re, quam maritus gentilis non facile credere posset, nec tuto illi explicanda esset.

Idem Tertullianus in lib. *de Corona militis* inter alios Christianos ritus ponit summam cautionem, quam adhibebant Christiani, ne aliquid Eucharistie in terram caderet: «Calicis, inquit, aut panis etiam nostri aliquid decuti in terram anxi patimur.» Hac illi: de quo argumento supra diximus in testimonio S. Pii Pape.

Idem Tertullianus in lib. *de Resurrect. carnis* probat, vere carnem resurrecturam, et non solam animam salvandam, ex eo, quod omnia sacramenta per corpus transirent ad animam: «Caro, inquit, abluitur, ut anima emaculetur; caro inungitur, ut anima concreetur; caro corpore, et sanguine Christi vescitur, ut anima de Deo saginetur.»

CAPUT VII.

Respondent Petrus Martyr loco citato, et Beza in *Cyclope*, et Boquinus in libro *de Cena Domini*, a Tertulliano vocari corpus Christi, ipsum sacramentum corporis, quia representans per modum signi ipsum verum corpus Christi.

At si ita est, argumentum Tertulliani condidit. Dicent enim heretici, qui negabant veram resurrectionem, quod sicut sola anima verum corpus Christi percipit, caro autem non ipsum corpus, sed ejus figuram: ita sola anima vere, et proprie resurgere, carnum autem non vere et proprie, sed metaphorice!

Idem denique in libro *de Idolatria* reprehendens quosdam, qui artifices idolorum ad sacerdotium, vel certe diaconatum promovabant: «Proh scelus, inquit, semel Iudei Christo manus intulerant, isti quotidie corpus ejus lassentur, o manus praecidende etc.» Ac certe non conferret Tertullianus crimen eorum, qui indigne tractant hoc Sacramentum, cum Christi crucifixione, nec manus illas praecidendas diceret, si tantum putaret esse in Sacramento corporis Christi figuram. Nam etiam iniuria imaginis refertur (ut supra diximus) ad exemplar; tamen quando non fit ea intentione, ut ledatur exemplar, non est crimen ullo modo conferendum cum iniuria, quae fit ipsi exemplari in se. Tertullianus autem non loquitur de illis, qui dedita opera, et ut Christum iniuria afficerent, Sacramento ejus violabant; sed de illis, qui cum peccatoribus essent, audebant corpus Domini tractare et porrigitur communicatus.

Sed videamus quid illi ex Tertulliano afferant. Tria igitur testimonia ex illo producent. Primum est lib. I. *contra Marcionem*, paulo ante medium: «Sed ille, inquit, usque nunc nec aquam reprobavit Creatoris, quia suos ablit, nec oleum, quo suos ungit, nec mellis et lactis societatem, quo suos infantat, nec panem, in quo ipsum corpus suum representans.»

Respondeo: Verbum Representandi ambiguum est: significat enim presentem rem aliquam facere, sive re ipsa, sive in signo aliquo, vel imagine. Ac, ut omittam testimonia Ciceronis, et etiam sanctorum Patrum, qui frequenter utuntur hac voce ad significandum rem aliquam vere, et proprie presentem exhiberi: Tertullianus ipse utriusque significacionis exempla prebere potest, lib. IV. in *Marcionem*, circa medium: «Haque, inquit,

jam representas cum: Hic est Filius meus etc.» Ubi dicit Deum Patrem, qui aliquando promiserat Filium, eundem representasse, cum ait in monte Thabor: *Hic est Filius meus*; ubi apertissime vocat representare, exhibere ipsa: et in libro contra Praxeum vocat Filium Patris representatorem, quia revera Pater est in Filio. Sed ipse idem in lib. *de Panitent.* distinguit adulterium, reipsa commissum, ab adulterio per concupiscentiam in mente representatum; ubi representare est exhibere non reipsa, sed in imagine.

Cum ergo vox ambigua sit, non potest recte ullo modo colligi, Tertullianum loqui de representatione in signo, et non in re; imo contra potius, quia magis proprie dicitur representari, quod re ipsa exhibetur, quam quod solum in signo: probabilis colligetur Tertullianum loqui de representatione, qua re ipsa corpus Domini exhibetur.

Quare Petrus Martyr lib. *contra Gardinerum* object. 160. tractans hunc locum Tertulliani, fatetur non posse ex hoc solo loco aliquid certi concludi, sed oportere ex aliis locis venari mentem Tertulliani, et remittit nos ad alium locum, quem nos paulo post excutimus.

Secundum testimonium proferunt ex lib. III. *contra Marcionem*, et ex libro *contra Iudeos*: nam eadem verba in utroque libro habentur. Sic ergo Tertullianus in libro *contra Iudeos*, ait: «De hoc ligno Deus per Hieremias insinuat, quod essetis dicturi; Venite mittamus lignum in panem ejus, utique in corpus ejus lignum missum est: sic enim Christus revelavit, panem corpus suum appellans, cuius retro corpus in panem Prophete nuntiavit.» Et rursus sic ait lib. III. in *Marcionem*: «Hoc lignum, et Hieremias tibi insinuat dicturus predicantis Iudeis: Venite mittamus lignum in panem ejus, utique in corpus. Sic enim Deus in Evangelio quoque vestro revelavit, panem corpus suum appellans, ut et hinc iam eum intelligas corporis sui figuram panis dedisse, cuius retro corpus in panem Prophete figuravit.»

Respondeo: hic locus Catholicis favet, non hereticis, si sententia Tertulliani diligenter consideretur. Nam scribit ipse apud Hieremias per panem intelligi corpus Christi, quod in ligno crucis affixum fuit: atque addit Christum ipsum ita explicuisse prophetiam Hieremias, cum de pane Eucharistiae dixit: *Hoc est corpus meum, quod pro vobis tradelur.*

Ubi necesse est per panem apud Hieremias non accipere panem materialem, qui significet corpus Christi (ut hereticis loquuntur de pane Eucharistie) sequeretur enim panem fuisse crucifixum, non autem ipsum Christum, si ita acciperemus eo loco panem; sed accipere cogimus per panem. ipsum verum Christi corpus, quod est panis vita. Itaque Hieremias loquitur quidem figurate, sed tropus non est in eo, quod panis dicatur corpus, quis sit corporis signum; sed in eo, quod corpus dicatur panis, quia nutrit animas nostras instar panis; ut etiam recte exposuit Lactantius lib. iv. *dicitur*. *Institut.* cap. 18, ubi dicit corpus Domini vocari panem a Hieremias, quia est cibus, et vita hominum, qui credunt in eum. Sed Christus per Tertullianum declaravit prophetiam Hieremias, cum sit de pane: *Hoc est corpus meum*; ergo Christus non de pane materiali dixit: *Hoc est corpus meum*; sed de pane celesti qui est vere corpus ejus. Nam si Dominus de pane materiali dixisset: *Hoc est corpus meum*, sequeretur, panem materialem fuisse pro nobis crucifixum: de illo enim pane dixit: *Hoc est corpus meum*, secundum Tertullianum, de quo dixit Hieremias: *Mittamus lignum in panem ejus*. Quare ex sententia Tertulliani, illud pronomen, *Hoc*, demonstrat quidem panem, sed panem celestem; vel certe demonstrat panem terrenum, non qui maneat, sed qui mutetur in corpus Christi, ut sensus sit eorum verborum (secundum Tertullianum) *Hoc est corpus meum*, id est: *Hic panis*, quem vobis porrigo, non est panis communis, sed est ipsum corpus meum: vel, *Hoc*, quod hactenus fuit panis communis, iam est corpus meum.

Porro illa verba obscurissima Tertulliani ex lib. iii. *contra Marcionem*: « Hinc intelligens corpori sui figuram panis dedisse, » non significant Christum dedisse Apostolis figuram corporis sui, non ipsum corpus: aliquo non dicerit corporis figuram panis, sed figuram corporis panem dedisse. Significat igitur Christum dedisse, id est, explicuisse, sive implesse figuram corporis sui, quam in pane Hieremias posuerat. Itaque sic ordinanda sunt illa verba: Hinc intelligens corporis sui figuram: figuram, inquam, panis, id est, in panis vocabulo latenter, Christum aperuisse: unde subjungit: « Cujus retro corpus in panem Prophete figuravit. » Est enim antithesis quedam in his verbis notanda: nam sicut Hieremias panem dixit,

cum significare vellet corpus Domini; sic e contrario Dominus corpus suum esse dixit, cum panem vita discipulis daret.

Sequitur tertius locus ex lib. iv. *contra Marcionem*, ubi sic legimus: « Acceptum panem, et distributum discipulis, corpus suum illum fecit; Hoc est, corpus meum dicens, id est, figura corporis mei. Figura autem non fuisset, nisi veritas esset corpus. »

Respondeo: priora verba hujus testimoniis, quod omnes Sacramentarii tanquam Achillem quendam in prima acie constituant, pro nobis maxime faciunt: posteriora autem nihil obsunt cause nostrae. Illud enim: « Acceptum panem corpus suum fecit dicens: Hoc est corpus meum, » aperte indicat panis realem mutationem in corpus Christi; illud autem: « Hoc est figura corporis mei », non significat (ut Sacramentarii credunt) panem Eucharistie esse figuram corporis Domini, sed quod fuit olim figura in Testamento veteri, nunc in corporis veritatem esse mutantum. Conjugitur enim illud: « Figura corporis mei, » non cum vobis proxime praecedente: « corpus meum, » sed cum pronomine: « Hoc, » ut sit hic sensus: Acceptum panem corpus suum fecit, dicens: Hoc, id est, panis, qui olim fuit figura corporis mei, nunc est corpus meum: ubi pronomen: « Hoc » demonstrat panem, non qui manet, sed quimutatur, ut supra diximus.

Id autem ita esse probatur primo ex illis verbis sequentibus: « Figura autem non fuisset, nisi veritas esset corpus. » Si enim per figuram intelligeret Eucharistiam, non dicaret, « non fuisset », sed, non esset: loquitur igitur de figura Testamenti veteris, que sine dubio vera figura non fuisset, nisi corpus verum ei responderet.

Secundo idem patet ex verbis paulo infra sequentibus: « Cur, inquit, panem corpus suum appellat, et non magis peponem, quem Marcion cordis loco habuit, non intelligens veterem fuisse istam figuram corporis Christi, dicentes per Hieremiam: Venite conficiamus lignum in pane ejus, scilicet crucem in corpus ejus? Itaque illuminator antiquatum quid tunc voluerit significasse panem, satis declaravit, corpus suum vocans panem. » Ubi Tertullianus dicit, Christum vocasse corpus suum panem, non peponem, aut aliquem alium cibum, ut impletet figuram Hieremias, qui nomine panis significaverat Christi corpus: non ergo Christus instituit in Eucha-

ristia figuram corporis sui, ut adversarii volunt, sed impletivit figuram veterem ex pane conficiendo corpus suum.

Tertio ex verbis aliis sequentibus, ubi explicita prophetiam Jacob, Genes. xlxi. *Lavabit in vino stolam suam; et in sanguine uxoris pallium suum* (1). « Stolam, inquit, carnem demonstrat, et vinum sanguinem, ita et nunc sanguinem suum in vino consecravit, qui tunc vinum in sanguine figuravit. » Ubionatum, quod sicut apud Hieremias panis significabat corpus, quia corpus Domini est cibus fidelium, ut supra diximus: ita vinum apud Jacobum Patriarcham significat sanguinem Domini, quia sanguis Domini est potus fidelium. Christus autem ut explicaret istas figuram, seu vaticinia, corpus sub specie panis, et sanguinem sub specie vini nobis tradidit: et sane si non verum corpus, et sanguinem re ipsa dedisset, non recte explicuisse, vel implesset vaticinia. Nam tam Hieremias per panem verum corpus, quam Jacob per vinum verum sanguinem pranuntiavit, ut Tertullianus dicit. Illa autem verba Tertulliani: « Qui tunc vinum in sanguine figuravit, » referuntur ad illa verba Jacobi, *in sanguine uxoris pallium suum*. Vult enim dicere per sanguinem uxoris, intelligi vinum, sed per vinum intelligi sanguinem Domini, ut ipse explicat, cum ait per stolam carnem, per vinum sanguinem demonstrans.

Quarto denique idem patet ex progressu totius libri. Nam propositum eius erat ostendere Christum in Evangelio non destruxisse Testamentum vetus, sed illud implesse. Itaque percurrit Tertullianus plurima Christi opera, et demonstrat Christum in omnibus illis dedisse operam, ut impletet figuram legis: igitur hoc etiam loco non inducit figuram institutam in Testamento novo, sed impletionem tantum veterum figurarum.

CAPUT VIII.

Testimonium Origenis.

Origenes, qui Tertulliano non multo posterior fuit, multis in locis de sacramento Eucharistie loquitur: ac primum homil. 43. *in Exod.* expomens cap. xxv. hujus li. ri, cum horari vellet populum, ut non contemneret verbum Dei, adducit exemplum dil-

(1) Gen. XLIX, 44.

CAPUT VIII.

gentie omnium Christianorum in conservando Christi corpore: « Volo, inquit, vos admonere religionis vestre exemplis: nos, qui divinis mysteriis interesse consuevisti, quomodo cum suscepitis corpus Domini, cum omni cautela, et veneratione servatis, ne ex eo parum quid dicat, ne consecrati munieris aliquid dilabatur; reos enim vos creditis, et recte creditis, si quid inde per negligenter dicendas. » Haec ille. Porro adversarius, neque corpus Domini servant, cum non agnoscant Sacramentum, nisi in usu, neque consecrant, neque reos se putant, si quid illius panis, aut vini in terram cadat. Et merito non putant, quia nihil nisi panem habent: at si vero corpus Domini haberent aut habere se crederent, certe vel diligentissime conservarent, ut semper Ecclesia fecit, aut se aperte impios, et sacrilegos testarentur. Ad hoc testimonium, ut etiam ad sequens, non vidi responsionem adversariorum.

Alterum testimonium Origenis est in homil. 3. *in diversa loca Evangelii*, in qua tractat de puer centurionis: « Quando sanctum cibum, illudque incorruptum accipis epulum, quando vite pane, et poculo frueris, manducas et libis corpus et sanguinem Domini, tu dominus sub tectum tuum ingreditur. Et tu ergo humilians temetipsum, imitare hunc centurionem, et dico: Domine, non sum dignus, ut intres sub tectum meum. Ubi enim indigne ingreditur, ibi ad iudicium ingreditur accipienti. » Haec ille. Sane ista non possunt recte dici nisi de vero corpore Domini, quod vere ore corporis accipitur. Nam si loqueretur Origenes de corpore Domini per metonymiam, id est, de pane significante corpus Christi, non vocaret eum panem incorruptum epulum, nec ei dici vellet: *Domine, non sum dignus*, etc. Si vero loqueretur de ipso Christo per panem significato, qui per fidem accipitur, non dicaret: Ubi indigne ingreditur, ibi ad iudicium ingreditur accipienti. » Nam secundum adversarios Christus per fidem non potest accipi nisi a piis, et ad vitam; quod enim indigne accipitur ab impiis, non est nisi externum symbolum, secundum adversarios. At Origenes illi, qui ingreditur ad piros, et impios, vult dici: *Domine non sum dignus*, ergo vel vult adorari, et invocari panem, quod est absurdissimum; vel vult sub illis speciebus vere Christum ipsum contineri.

Tertius locus est homil. 7. *in libro Numeri:*

« Tunc inquit, in ænigmate est manna cibus, nunc autem in specie caro Verbi Dei, et verus cibus, sicut ipse dicit, quia caro mea vere est cibus ». Hec ille. At certe species cum ænigmate opponitur, idem significat, quod veritas collata figura. Si autem Eucharistia esset corpus Christi, solum tropice; non in specie, sed in ænigmate dici debet caro Domini : nam etiam manna erat corpus Domini tropice, id est, significative. Et confirmatur argumentum ex verbis precedentibus ubi Origenes dicit Hebreos habuisse Baptismum in ænigmate, dum transirent mare Rubrum, nobis autem in specie per Baptismum conferri regenerationem. At vera regeneratione nobis datur in Baptismo, quam non dabat, sed adhuc rabat solum transitus maris Rubri : ergo eodem modo vera caro nobis datur in Eucharistia, quam non dabat, sed in ænigmate significabat manna Iudaorum.

Ad hunc locum respondent adversarii, ac maxime Petrus Martyr in libro *contra Gardinerum*, part. iv. Origenem loqui de modo loquendi, non existentes rerum, id est, assererūt Judæos habuisse corpus Christi in ænigmate, quia non declarabatur eis, quid significaret manna : nobis autem dari in specie, quia aperte nobis dicitur, quid significat Eucharistia.

Sed fallitur, aut fallit Petrus Martyr. Nam Origenes utrumque dicit, et Deum locutum olim in ænigmate, quod nunc in specie dat. Sie enim ait : « Verum tamquam Moyses prinsquam accepit Æthiopissam, non est scriptum, quia in specie locutus sit ei Deus, et non in ænigmate : sed ubi accepit Æthiopissam, tunc dicit de eo Deus, quia os ad os loquar ad eum, in specie, et non in ænigmate. Modo enim cum Moses venit ad nos, et conjunctus est huic nostræ Æthiopissæ, lex Dei, jam non in figuris, et imaginibus, sicut prius, sed in ipsa specie veritatis agnoscerit : et que prius in ænigmate designabantur, nunc in specie, et veritate compleverunt ». Hec ille. Vides hic non solum Deum clarius loqui sed etiam re ipsa præstare, que in ænigmate designabat? Eucharistia igitur veram carnem confinet, quam in ænigmate manna designabat.

Videamus nunc quid illi contra nos afferant ex Origeni. Profert Petrus Martyr loca sex Origenis in libro *contra Gardinerum*, obiecto 162. Et sequentibus, que tamen, aut nihil concludunt, aut nobis magis, quam adversarii favent. Primus locus est ex homil.

16. in *Numeros* : « Bibere, inquit, dicimus sanguinem Christi non solum Sacramentorum ritu, sed etiam cum sermones ejus recipimus ». Hec ille. Hinc adversarii probare nintuntur in Sacramentis non libi sanguinem Christi, nisi spiritualiter, sicut non nisi spiritualiter bibitur in concione.

At contrarium potius sequitur. Non enim dicit Origenes eodem modo libi Christi sanguinem in Sacramentis, quo bibitur in concione ; imo cum distinguit hos duos modos, indicat esse modos diversos ; et per hoc bibi in concione spiritualiter, in Sacramentis autem re ipsa.

Secundus locus est ex commentario Origenis in cap. 26. Matthaei, ubi sic legimus : « Panis iste, quem Deus Verbum corpus suum esse fatetur, verbum est nutritiorum animalium ». Notat Martyr panem ipsum vocari corpus Christi ; proinde panem materiali esse in Eucharistia. Deinde addit : cum panem duci verbum, quia sacramenta sunt verba visibilis. Addit denique non posse panem duci verbum nutritiorum, si per transubstantiationem evanescat : id enim quod nihil est, non potest aliquid nutrire.

Respondeo : Origenes prætermisso litterali sensu omnibus nota, exponit mystice totum hunc locum. Nec per panem intelligit panem materiali, qui sit verbum visibile : sed intelligit sermones Christi, seu verba Dei non visibilia, sed audibilis ; dicit enim hoc verbum esse verbum deo Verbo procedens, et panem de pane colesti, id est, esse sermonem quem loquuntur Christus, qui est Deus Verbum, et panis colestis. Vide totum locum p. 33. In *Matthewum*, et nihil dubitabis, quin mystica sit, non litterali Origenis expositio.

Tertius locus est in homil. 7. In *Leviticum*, ubi postquam dixerat Origenes, carnem Christi esse verbum Dei, subjungit : « Si enim secundum litteram separari hoc, quod dictum est : Nisi manducaveritis carnem meam, et biberitis sanguinem meum, occidit haec littera. Ubi videtur non admittere illum alium sensum, nisi mysticum.

Respondeo primum : Si quid probat hoc testimonium, solum probat non agi de Eucharistia in vi. cap. Joan. non autem probat in Eucharistia non esse verum Christi corpus. Nam etiam adversarii docent Joan. vi. non agi de Eucharistia ; et tamen non concedent, carnem Christi non manducari, nisi audiendo concionem : hoc enim esset plane tollere sacramentum Eucharistie.

Dico secundo, illa verba : *Nisi manducaveritis carnem Filii hominis*, tribus modis exponi posse. Uno modo prorsus mystice, et figurate, et hoc modo exponit hoc loco Origenes, dum per carnem Domini intelligit sermones divinos. Altero modo prorsus ad litteram, id est, sine ulla adjunctione mysterii ; et hoc modo accepérunt Capharnaïti, qui putarunt eidem Christi carnem, quoniam comedunt cotteræ carnes, id est, eam lacerando et consumendo : et de hoc sensu recte dicit hoc loco Origenes : *Littera occidit*; et Augustinus lib. iii. *Doctrina Christiana*, cap. xvi. dicit, verba Domini ita ad litteram accepta, scilicet quoddam sonare. Tertio modo non omnino ad litteram, nec omnino figurate, sed ad litteram quoad substantiam rei, et manducationis, figurare autem, quoad modum manducationis, ut videlicet sensus sit, manducandam verum Christi carnem, sed sine ulla sui lascione, ut supra diximus in explicatione sententiae S. Augustini de his verbis : atque hunc sensum hoc loco Origenes non attingit, sed non rejicit ; et homil. 7. in *Numeros*, cumdebet aperire cum e Eucharistia ad litteram exponit illa verba : *Caro mea vere est cibus*.

Quartus locus est homil. 9. in *Leviticum* propter finem : « Non haeres in sanguine Verbi, et audi ipsum tibi dicentem quia hic sanguis meus est, qui pro vobis effundetur in remissionem peccatorum ». Hie Petrus Martyr diceri contendit, ut non existimemus in Sacramento esse verum sanguinem carnis Dominicæ ; sed erigamus mentem ad significacionem Verbi. Si enim revera sanguis Domini esset in Eucharistia, oportere illi inharrere, ut pretio nostro, illudque submissus adorare.

Respondeo : Toto celo hoc loco aberrat Petrus Martyr cum aliis Calvinistis, dum existimat sanguinem Verbi esse prædicacionem, seu significacionem verborum Domini. Vocat enim Origenes sanguinem Verbi, sanguinem verum, et corporalem Dei Verbi, id est, Christi ; ac monet ut non inharreramus in eo sanguine, tamquam in sanguine carnis, ac si nihil esset, nisi sanguis quidam humanus ; sed consideremus eum esse sanguinem ipsius Dei, quo redempti sumus. Vel (quod videtur probabilius) monet, ut non haeremus in sanguine carnis, id est, in sanguine vitulorum, et hircorum, de quo loquitur Moses in loco Leviticæ ; sed eo dimiso ascendantus

(1) Math. XV, 11.

ad sanguinem Dei Verbi, qui per sanguinem illum vitulorum, et hircorum significabatur. Intelligere autem Origenem per sanguinem Verbi ipsum verum, et corporalem Christi sanguinem, patet, quia de hoc sanguine Verbi dicit Origenes, eo nos esse redemptos. At non sumus redempti significatio verborum, sed veri sanguinis effusione. Item dicit de hoc sanguine scriptum esse : *Hic est sanguis meus, qui pro vobis effundetur*. At haec verba non possunt intelligi de concione, sed de vero sanguine, ut patet. Denique addit ibidem Origenes haec verba : « Novit qui mysteriis imbutus est, et carnem, et sanguinem Verbi Dei : non ergo immorenur in his, quæ ex scientibus nota sunt, et ignorantibus patere non possunt ». Ubi Origenes dicit fideles satis nosse, quid sit caro, et sanguis Verbi Dei ; infideles autem nec scire, nec discere posse, nisi prius ad fidem venient. At quid sit concio, quid passio Christi predicata, etiam infideles norunt : omnibus enim in communione prædicatur Evangelium ; non igitur loquitur de concione, sed de mysterio altissimo Eucharistie, quod infideles non norunt, nec discere possunt. Vides quomodo testimonium Origenis contra nos allatum maxime nobis favet?

Quintum testimonium sumunt ex commentario in cap. xv. Matthaei, ubi Origenes tractans illa verba Domini : *Quid intrat per os, non coquaciat hominem* (1) ; quadam dicit de hoc Sacramento, quia Petrus Martyr et alii Calvinistæ pro sua sententia addunt. Primo dicit, corporalem esse Eucharistie rem esse indiferentem, id est, nec bonum, nec malum : « Quod, inquit, ad eum per se attinet, neque ex hoc, quod non edimus de pane, verbo Dei et per obsecrationem sanctificato, frandulan aliquo bono ; neque ex edendo abundantius aliquo bono ; siquidem causa defectus est malitia, peccataque ; et abundantius causa est justitia, et recta facta ». Hec ille. At si esset in Eucharistia re ipsa Domini corpus, recte professerí vi sua, et non solum ex bonitate sumensis. Secundo dicit, in Eucharistia esse materiam panis, quia in successum emittitur : « Et ille cibus, inquit, qui sanctificatur per verbum Dei, et orationem, juxta id, quod habet materiale, in ventrem abit, et in successum emititur ». Et infra : « Nec materia panis, sed super illum dictus sermo est, qui prodet non

indigne Domino comedenti illum. » Tertio, vocat Eucharistiam corpus typicum, et symbolicum, et distinguunt illud a vero Christi corpore : « Et haec quidem, inquit, de typico, symbolicoque corpore. Multa porro et de ipso Verbo dici possent, quod factum est caro, verusque cibus etc. » Quarto dicit corpus Christi, non posse manducari a peccatoribus : « Si fieri posset, inquit, ut quis malus adhuc perseveret, edat Verbum factum carnem, cum si Verbum, et panis virus, nequam scriptum esset : Quisquis ederit panem hunc, vivet in aeternum. » Ob haec loca ita triumphat Petrus Martyr, ut dicat lib. I. contra Gardinerum, objecto 169. « Locum hunc nunquam nobis excusat : verba ita sunt perspicua, ut nullis ambagibus, aut commentis possint mitigari. »

Ad haec loca quidam respondent, commentaria ista non esse integra fidei, neque omnino constare, an sint Origenis : modus enim loquendi (quidquid sit de re) non parum dissonat ab his locis, quae nos supra citavimus ex veris libris Origenis.

Alli respondent, Origenem hoc loco non loqui de Eucharistia, sed de pane quodam sanctificate, qui dabatur eatechumenis loco Eucharistie, de quo scribit etiam Augustinus lib. II. de Peccatorum meritis et remissione, cap. 26. Qui panis recte dici poterat corpus Domini symbolicum, quia representabat Eucharistiam, cum ejus loco daretur. Unum obstat huius explicacioni, quod Origenes de isto pane indigne manducato intelligat Apostolum I. Corinth. xi. ubi ait : *Propter hoc multi inter vos imbecilles, et dormiant multi* (1). Nisi forte Origenes extendere voluerit verba illa Pauli, que proprie ad Eucharistiam pertinent, ad panem illum eatechumenorum; nam suo modo, id est, servata proportione, peccat etiam, qui contemnit panem illum sanctificatum, licet, multo minus, quam qui despiciit Eucharistiam.

Sed his omissionis, respondeo illa omnia, que Origenes dicit, posse recte intelligi de sacramento Eucharistiae. Ad primum igitur respondeo, logi Origenem praecise de usu corporali Eucharistiae, abstractendo a bonitate, vel malitia sumentis; et hoc modo verum est, esum illum non prodesse, si adsit; nec obesse, si absit. Nihil enim prodest comedere corporaliter Eucharistiam, nisi adsit etiam spiritualis manducatio; quia

hic cibus mentis est, non ventris : neque obest non manducare, si non ex contemptu, sed aliqua justa de causa omittitur sacramentalis manducatio. Neque ex hoc colligi debet, Eucharistiam esse rem indifferentem, et non habere vim sanctificandi, nisi ex fide sumentis. Nam non dicit Origenes, eam non habere vim ex se, sed dicit non exercere eam vim in eos, qui indigne sumunt; quod est verissimum.

At, inquit, « comparat Eucharistiam Origenes cum cibis communibus, qui sunt vere indifferentes. » Respondeo : Non comparat, quoad omnia, sed solum quod effictum : alioquin idem ipse dixisset, panem illum sanctum vim habere sanctificandi ex verbo Dei, quo consecratus est.

Ad secundum respondeo, materiale, quod in secundum ait, appellari ab Origene accidentia visibilia. Neque obstat, quod ait Petrus Martyr, illa accidentia ad formam potius pertinere, quam ad materiam, cum sint qualitates quaedam, id est, accidentiales forma. Nam hoc loco non vocatur aliquid materiale, respectu forme naturalis, sed respectu sanctificationis, et significacionis. Et praeterea ex accidentibus Eucharistiae principale est magnitudo, in qua fundantur omnia alia : magnitudo autem ad materiam potius, quam ad formam pertinet.

Ad tertium respondeo, symbola panis, et vini recte dici corpus typicum, et symbolicum, modo sane, et catholice intelligatur : omnes enim Catholicci Eucharistiam sacramentum esse dicunt, signum seu symbolum rei sacrae, id est, corporis Christi. Sed quæstio est inter nos, et Sacramentarios, utrum haec symbola sint rei absentis, an presentis : nos enim dicimus sub illis symbolis vere confiniri corpus Dominicum, illi negant. Et praeterea ipsum verum corpus, ut est in Eucharistia, est typus ac symbolum sui ipsius, ut fui in cruce, et at est nunc in celo. Nam non solum per Eucharistiam commemoramus passionem Domini, sed etiam accipimus pignus aeternæ glorie. Ab hoc igitur corpore symbolico, et simul vero, distinguunt Origenes Verbum incarnatum, ut extra Sacramentum fide accepitur.

Ad quartum respondeo, Origenem logi de manducatione corporis Christi extra Sacramentum, cum dicit non posse ab impiis manducari. Et hoc etiam verissimum est :

(1) I Cor. XI. 30.

nam extra Sacramentum manducatur solum spiritualiter. Logi autem Origenem de manducatione extra Sacramentum, patet, tunc quia distinguunt hanc manducationem a manducatione panis sanctificati per verbum Dei, qui est Eucharistia. Sacramentum ; tunc etiam, quia allegat illa verba Ioh. vi. *Qui manducat hunc panem, vivet in aeternum* ; que verba non intelliguntur de Eucharistia, sed de ipsa Christi incarnatione. Distinguunt enim ex loco a Domino duo panes. Unus, qui jam tunc presens erat, fide comedendus erat, id est, verbum Incarnatum ; et de hoc dicit : *Ego sum panis virus, qui de celo descendit : qui manducat hunc panem, vivet in aeternum*. Alter futurus, in Sacramento videbile, et de hoc subjungit : *Et panis quem ego dabo, caro mea est pro mundi vita* (1). Denique mirum est, cur tantum vim facient in hoc loco adversarii cum nihil esse putent in vi. cap. Joan. quod ad manducationem sacramentalem pertineat.

Ultimum testimonium Origenis sumunt ex lib. 8. contra Celsum, paulo ante medium ; ubi sic ait : « Nos qui rerum omnium conditori placere studemus, cum precibus, et gratiarum actione pro beneficiis acceptis, oblatis panes edimus. » Ubi Eucharistiam panem vocat.

Respondeo : Hic locus maxime nobis favet. Nam non ait Origenes, nos panes simpliciter edere, sed panes mutatos in corpus Christi ; sic enim ait : « Oblatos panes edimus, corpus sanctum quoddam per preces effectos, et sanctificans eos, qui cum sancto proposito ipso utuntur. » Quibus verbis non solum dicit Origenes, panes mutari in corpus, sed etiam offerri Deo, et sanctificare homines : quorum utrumque negant adversarii.

At instat Petrus Martyr libro contra Gardinerum objecto 168. Origenem non dixisse, mutari panes in corpus sanctum Christi, sed in corpus quoddam sanctum ; illud enim, quoddam, est diminutivum, ut cum dicimus : *Hic est quidam Isidorus, lacrymae sunt quidam sanguis*.

Respondeo : Si Origenes dixisset, panes mutari in quoddam corpus Christi, haberet locum adversarii objectio ; significari enim posset panes mutari in corpos non verum, sed representativum. At non ita dixit, sed mutari in sanctum quoddam corpus ; ubi

illud, *quoddam*, non est diminutivum, sed declarativum in confuso veri corporis Domini. Noluit enim Origenes ethimico palam dicere, panes mutari in corpus Christi, ne daret illi occasionem magis irridendi mysteria, qua non intelligebat ; sed dixit obscurius, mutari in sanctum quoddam corpus ; quod corpus norant fideles eiusnam esset.

Testimonium S. Cypriani.

Tertius testis in eadem tertia ait, est S. Cyprianus, qui passus est anno Domini 239. vel circiter. Is igitur in serm. 3. qui est de lapsis, reprehendens eos, qui post negatum Christum ad Sacramentum Eucharistiae accedebant, non prius per debitam penitentiam purgali : « Vis, inquit, infartar corpori ejus, et sanguini : et plus modo in Dominum manibus atque ore delinquunt, quam cum Dominum negaverunt. » Hec ille. At profecto incredibile videtur Cyprianum sensisse, manus esse peccatum indignum manibus tangere signum aliquod, seu figuram Christum representantem, quam Christum ipsum negare. Quis enim ita desideret, ut diceret, gravius peccare eum, qui tangere librum Evangelii, aut imaginem Crucifixi cum conscientia peccati, quam eum, qui Christum coram persecutore negaret ? Vult igitur Cyprianus dicere, eos, qui indigne sumunt Eucharistiam, ipsam Christi personam in se, et immediate injury afficeret, et praeterea gravissime peccare, et gravius (salem ex hac parte) quam ille faciant, qui Christum negando, in fidem, et honorem ejus peccant. Ibidem narrat sanctus Cyprianus quatuor miracula, quae facta fuerant in eos, qui indigne manibus corpus Domini tractare volerant, quia satis abunde arguant non esse Eucharistiam signum tantum Dominicum corporis, cum nulla ejusmodi miracula legantur in eos edita, qui alia signa indigne tractarunt, prasorum cum illi, de quibus loquitur Cyprianus, non ex contemptu, vel odio Christi ad Sacramentum accederent.

Exstat inter opera Cypriani sermo de Cena Domini, qui etsi Cypriani episcopi Carthaginensis

(1) Joan. VI. 51 et 52.

nensis, de quo nunc agimus, esse non videatur, tamen est omnino antiqui alicuius, et doctissimi, ac sanctissimi Patris, ut adversarii fatentur. Inde igitur petemus sub nomine Cypriani duo, vel tria clarissima testimonia. Primum est in principio sermonis: «Cœna disposta inter Sacramentales epulas olivaverunt sibi instituta antiqua, et nova; et consumptio agno, quem antiqua traditio proponebat, inconsumptibilem cibum magister apponit discipulis.» De hoc loco supra disserimus, ubi egimus de figuris Sacramenti hujus, atque ostendimus contra Petrum Martynum per cibum inconsumptibilem non posse intelligi panem, qui non minus consumitur, quam agnus; neque corpus Christi, ut sola fide manducatur, quia eo modo habuissent eundem cibum Iudei in agno pascali, quem nos in Eucharistia, et propterea non recte opponeret Cyprianus cibum inconsumptibilem datum Iudeis, cibo inconsumptibili, qui datum Christianis.

Secundum testimonium habetur paulo inferius: «Panis iste, inquit, quem Dominus discipulis porrigebat, non effigie, sed naturam mutatus, omnipotencia Verbi factus est caro, et sicut in persona Christi humanitas apparabat, et latebat divinitas; ita Sacramento visibilimēffabiliter divina se infudit essentia.» Hoc testimonium nullam admittit solutionem, etiam si adversarii sāpe ad illud respondeantur.

Respondet igitur Petrus Martyr in II par. libri *contra Gardinerum* prope finem, et rursus in 4. parte libri ejusdem, panem mutari, quia ex prophano fit sacer, et ex non sacramento sacramentum. Dicit autem mutari non effigie, sed natura, quia nova illa significatio sacramentalis non accedit accidentibus panis, que a Cypriano dicuntur effigies, sed ipsi natura, et substantia panis. Analogia enim est inter panem, et corpus Christi, quod sicut panis nutrit corpora, ita caro Christi nutrit animas: porro nutrire ad substantiam pertinet, non ad accidentia. Addit vero (ne decipiamur) substantiam, seu naturam panis mutari, non quod, ipsa desinat esse quod erat, sed quod acquirat aliquid, quod non habebat: quemadmodum mutari dicitur homo, cum ex non grammatico sit grammaticus, et ex privato princeps.

Sed facile refellitur haec solutio ex omnibus fere vocibus, quibus utitur Cyprianus. Primo ex illa, «non effigie». Nam si mutatio ita nihil est aliud, nisi additio significationis,

non solum natura panis, sed etiam effigies mutatur; imo magis effigies, quam natura: signum id quod proprio significat, est aliquod signum sensibile, qualia sunt accidentia panis; cui ergo Cyprianus ait: «non effigie sed natura mutatus.»

Respondet Martyr, substantiam panis sensibile esse per accidentia sua, et ipsi propria convenire analogium illam nutritionis.

At licet substantia sensibilis sit per accidentia, tamen, signum esse, magis convenientibus, quam substantiae: signum enim est id, quod per se, et immediate sensibus percipitur. Neque verum est, analogiam illam nutritionis esse in substantia, et non in accidentibus; tum quia substantia sine accidentibus non nutrit: tum vero maxime ut aliquid sit signum nutritionis spiritualis, non requiritur ut vere nutrit possit corporaliter, sed requiritur ut representet externa specie eam rem, que nutrit solet. Nam serpens aeneus fuit vera figura Christi crucifixi, ob analogiam inter serpente, et Christum: et tamen serpens ille aeneus non habuit substantiam veram, sed solum figuram serpentis. Et lingue ignea, que super Apostolos apparuerunt, rectissime significabant donum eloquentiae divinitus datum. Apostolis, ob analogiam inter linguam, et illud domum: et tamen lingue illa non haberunt substantiam, sed solum figuram lingue. Denique in omnibus visionibus Prophetarum, et in somnis divinitus immissis, Pharaoni, Nabuchodonosor, et aliis, et in tota Apocalypsi describuntur plurima signa rerum aliarum, ob analogiam inter res naturales, et divinas, et tamen signa illa non habebant substantiam rerum naturalium, sed figuram externam tantum. Sic igitur accidentia panis proprio signo sunt corporis Domini, ob analogiam inter panem, et Christum: per accidens autem est, ut sub illis accidentibus sit substantia panis, vel non sit: nulla igitur causa reddi potest, cur Cyprianus dixerit, non effigie, sed natura mutari panem; si mutari est acquirere novam significacionem.

Secundo refellitur ex illa voce, «sed natura». Nam non dixit Cyprianus, naturam panis mutari, ut Martyr videtur accepisse, sed, panem, natura mutari: panem autem natura mutari, est panem naturaliter, id est, substantialiter mutari; naturam enim eo loco pro substantia accipi fatetur adversarius. At acquirere significationem novam, non est

mutari substantialiter, sed accidentaliter tantum, imo ne accidentaliter quidem, nisi secundum rationem, cum sit illa significatio relatio rationis.

Sed inquit Petrus Martyr, «non solum mutatur panis, quia acquirit novam significacionem; sed etiam quia efficit instrumentum Dei ad movendos animos nostros.» At si petas, quomodo sint sacramenta instrumenta Dei ad movendos animos, nihil respondere poterit, nisi significando, represtando: nec enim tribunt ipsi sacramentis ullam efficientiam veram, ut supra demonstravimus.

Terterio refellitur ex illis verbis: «Omnipotentia Verbi.» Nam quae omnipotencia requiritur ad faciendum nihil? Sed ait Petrus Martyr, requiri omnipotentiam, quia solus Deus potest instituire sacramenta. Contra; nam omnipotencia requiritur in eo qui instituit sacramenta, ut vere perficiat, quod sacramenta significant, id est, justificet hominem. At non requiritur ulla omnipotentia ad faciendum, ut res aliqua significant: id enim etiam homines facere possunt. Porro Cyprianus non ponit omnipotentiam Dei in efficiendo, quod sacramenta significant; sed in mutatione panis in carnem; sic enim ait: «Omnipotentia Verbi factus est caro.»

Quarto ex illa similitudine: «Sicut in persona Christi humanitas apparabat, latebat divinitas; ita sacramento visibili ineffabiliter divina se infudit essentia.» Ubi Cyprianus non dicit, quod adversari ex hoc loco colligunt, in Sacramento esse duas naturas, ut sunt in Christo: ac proinde manere naturam panis; sed dicit ita latere sub specie visibili panis, Deum verum, ut latebat sub specie visibili carnis Christi, dum in ipsis conversione. Et ne quis dicat in sacramento latere Deum per solam representationem, addit adverbium, «ineffabiliter», quo declarat mysterium hic subesse maximum, et difficillimum: nulla autem difficitur in eo est, quod panis significant Christum.

Tertium testimonium est in eodem sermone: «Nova est hujus Sacramentorum doctrina, et schola Evangelicae hoc primum magisterium protulerunt, et Doctore Christo primum haec mundo immotu disciplina, ut libenter sanguinem Christiani, cuius esum legis antique auctoritas districtissime interdicit; lex quippe esum sanguinis prohibet, evangelium praecipit ut bibatur.» Haec ille. Ubi nisi proprio sanguine loquatur, nihil

prosorsus dieit; non enim lex vetus prohibebat sanguinem figurate sumptum; imo Hebrei in potu aqua de petra securientis, Christi sanguinem bibebant figurata: ut modo Sacramentari facere se dicunt in Eucharistia.

Sed jam afferenda sunt testimonia, quae ex Cypriano afferat Petrus Martyr in lib. *contra Gardinerum*, objecto 170, et sequentibus novem; collegit enim ipse omnia loca, que ab aliis citari solet. Primum ergo ex isto ipso sermone de cena Domini profert illa verba: «Usque hodie hoc veracissimum et sanctissimum corpus suum crevit, et sanctificavit, et benedicit, et pie sumentibus dividit.» Quo loco pro se adversarii arripiunt illud: «Creat, sanctificat, benedicit, dividit;» haec enim omnia pani convenient, non ipsi corpori vero Christi.

Respondeo: Cyprianum alludere voluisse ad canonom missæ, ubi post consecrationem panis, dicimus: «Per quem omnia semper nobis bona creaſ, sanctificas, benedicis, et prestas nobis.» Porro tam in verbis canonice, quan in verbis Cypriani, illa: «Creas, sanctificas, et benedicis, referuntur ad materiam unde conficitur corpus Christi; agimus enim Deo gratias, quod per Christum nobis panem primum crevit, deinde per eundem sanctificet, et benedicat, convertendo in corpus sumum, et sic nobis prebeat. Ilaque similis est illa sententia: Christus corpus suum crevit, sanctificat, dividit; ac si quis de pane dicerebat, hic panis primo seminarit, deinde metitur, tum molitur, coquitur, et tandem comeditur. Non enim sensus esset panem sub forma panis, seminarit, meti, moli etc., sed quadam materiam unde fit, primo seminarit, deinde meti, etc. Quod autem loquatur Cyprianus de vero corpore, non de signo corporis, quod nobis dividi, id est, distribui dicit, postea quoniam panis crevit, et sanctificatus est, patet ex illo adjuncto, «veracissimum,» neque enim dici potest veracissimum, quod non nisi figurare corpus est.

Secundum testimonium ex eodem sermone: «Panis iste communis in carnem, et sanguinem mutatus procreat vitam, et incrementum corporibus: ideoque ex consueto rerum effectu fidelis nostræ adjuta infirmitas sensibili argumento edocita est, visibilibus Sacramentis inesse vita aeterna effectum.» Haec ille. Hinc deducit Petrus Martyr, panem Eucharisticæ, eam post mutationem Sacramentalem nutrire nostra corpora, et esse ve-

rum panem, ex illa analogia nutritionis vocari corpus Christi, etc.

Respondeo : Errat hoc loco toto celo Petrus Martyr. Neque Cyprianus loquitur de pane Eucharistie, cum dicit, « mutari in carnem, » et alere corpora nostra ; sed rationem reddit, cur ex pane communii fiat Eucharistie, et cur aliquando corpus Christi dicatur panis. Rationem autem esse dicit, quia sicut panis communis, id est, vere materialis, et triticeus, dum mutatur in carnem, et sanguinem nostrum per naturalem actionem caloris naturalis, nutrit nos et auget ita corpus Christi spiritualiter nos nutrit et auget. Itaque non loquitur de nutritione sacramentalis, cum dicit : « Panis communis in carnem et sanguinem mutatus, » sed de naturali mutatione, que fit in nobis, dum cibo nutrirur.

Tertium testimonium ex fine ejusdem sermonis : « Hæc quoties agimus, non dentes ad mordendum acuumus, sed fide sincera panem sanctum frangimus. »

Respondeo : Declarat his verbis Cyprianus fructum Sacramenti non consistere in corpore nostro delectando, vel saginando, sed in animo nutriendo, et reficiendo. Non enim acuere dicuntur dentes quicunque aliud sumere volunt per oris instrumentum ; sed qui avide sumere cupiunt, ut palatum delectent. Certe qui medicamentum amarum comedere jubentur, non dicuntur acuere dentes, quia non sumunt, ut delectantur eo cibo, sed inviti accipiunt, ut sancentur.

Quartum testimonium est ex eodem sermone, ubi legimus : « Solus quippe Filius patri consubstantialis est, nec divisibilis est, nec parabilis substantia Trinitatis : nostra vero et ipsius conjunctio nec miscerit personas, nec unit substantias, sed affectus consociat, et confederat voluntates. » Hæc ille. Ex quo loco Petrus Martyr colligit, nullam esse inter nos et Christum corporalem unionem, sed solum spiritualem ; proinde non corpore, sed spiritu solo Christi corpus a nobis manducari.

Respondeo : Loquitur Cyprianus de illa unione, que est proprius, et principalis finis Eucharistie : ac negat per Eucharistiam ita nobis uniri Christum, ut efficiamur cum illo una persona, sicut fit in mysterio Incarnationis : vel ut efficiamur una natura, quomodo unum est Pater cum Filio in arcana Trinitatis : et solum affirmat uniri nos Christo per affectus, et voluntatis confedera-

rationem. Porro corporalem unionem, qualis est inter nos, et Christi corpus per Eucharistiam, Cyprianus neque negat, quia revera fit, neque asserit, quia non est illa unio finis Eucharistie, sed potius medium. Nam etiam in impiis illa unio inveniri potest ; et obest, non prodest, cum non perducit ad spiritualem unionem, qua est verus finis hujus Sacramenti.

Quintum testimonium ex eodem sermone : « Ut sciremus, inquit, quod mansio nostra in ipso, sit manducatio. » Et infra : « Jesus igitur hujus carnis, quedam aviditas est, et desiderium manendi in ipso. » Et infra : « Quod est esca carni, hoc animæ est fides. »

Respondeo : Cyprianus his verbis de Sacramenti effectu loquitur ; id enim est comedere Christi carnem, qua nata ad effectum, et fructum manere in ipso per fidem, et charitatem. Hoc tamen testimonium non Petrus Martyr, sed alii quidam afferre solent.

Sextum testimonium sumit Petrus Martyr ex sermone de unctione Chrismatis : « Dedit, inquit, Dominus noster in mensa, in qua ultimum eum Apostolis participavit convivium, panem et vinum, in cruce vero manus militum corpus tradidit vulnerandum : ut in Apostolis secretus impressa sincera veritas, et vera sinceritas, exponeret gentibus, quomodo vinum et panis caro esset et sanguis ; et quibus rationibus cause effectibus convenienter : et diversa nomina, vel species ad unam reducuerent essentiam ; et significativa, et significata iisdem vocabulis censerentur. » Ex hoc loco colligit adversarius panem tantum, et vinum, ut opponuntur vero corpori in cruce mortuo, esse in Eucharistia et ideo panem vocari corpus, et vinum sanguinem, quia illa significant, ista significantur.

Respondeo : verba Cypriani non carent obscuritate : tamen recte expensa, Catholicis non haereticis favent. Primum igitur cum Cyprianus ait Christum in mensa dedisse Apostolis panem edendum, militibus autem in cruce dedit corpus vulnerandum : non opponit panem corpori, sed corpus sub specie panem eidem corpori in specie sua ; sive corpus ut cibum, eidem corpori ut victimæ. Id patet primum, quia idem auctor in superiori sermone disertis verbis docuit, panem nature mutari, et fieri carnem omnipotentia Verbi. Deinde idem patet, quia in toto eo sermone tractat hic auctor de excellentia

religionis christiana supra Judaicam, conferens hinc inde sacramenta : at certe nihil ad hanc excellentiam pertinet, quod habebamus merum panem in Sacramento.

Præterea explicat continuo Cyprianus, cur dederit Dominus panem et vinum in cena ; ratio autem ejus non bene coharet, nisi per panem et vimum intelligamus corpus et sanguinem sub specie panis et vini. Ratio quam subiungit, habet quatuor membra ; dicit enim Dominum dedisse panem, et vinum, ut Apostoli secreto edocet sinceram veritatem, possent alii omnibus explicare ista quatuor. Primo, quomodo panis, et vinum caro sit et sanguis. Secundo, quomodo cause effectibus convenient. Tertio, quomodo diversa nomina, vel species ad unam reducuntur essentiam. Quarto, quomodo et significativa, et significata iisdem vocabulis censeantur.

Primum membrum a nobis rectissime exponitur. Dicimus enim Apostolos facile intellexisse, et alii explicare potuisse, quomodo panis esset caro ; quia vere panis ille sanctificatus, qui exterior panis videbatur communis, et usitatus, caro Domini erat dicente ipso : *Hoc est corpus meum.*

Secundum etiam membrum nos recte exponimus. Intellexisse enim Apostolos dicimus ex eo, quod accepérunt corpus sub specie panis quomodo cause cum effectibus convenient, id est, quomodo caro Domini vere nutrit et reficit animas fideliter eam manducantium : id enim intellexerunt ex analogia panis, sub cuius specie carnem Domini sibi dari videbant.

Tertium quoque membrum recte exponimus. Dicimus enim Apostolos intellexisse, quomodo nomina ac species diversa ad unam reducuntur essentiam : quia videlicet per consecrationem Eucharistie ex pane fit caro Domini, et unica tantum essentia remanet, carnis videlicet ; que tamen diversa nomina recipit ; nam et dicuntur caro, quia talis est per effectum.

Denique quartum membrum recte a nobis exponitur, quomodo scilicet et significativa, et significata iisdem vocabulis censeantur, id est, cur panis Eucharistie dicatur caro, et cur caro Domini dicatur panis. Non caro Domini, que est res significata, potest dici panis, quia datur sub specie panis ; et potest ille panis, qui exterior specie sua corporis Domini significat, dici caro, quia revera quod substantiam est caro. Itaque omnia coherent in nostra interpretatione. At ad-

versarius non ita facile se expedire potest, et praesertim quoad tertium membrum illius rationis. Quomodo enim, queso, ad unam essentiam reducuntur diverse species, id est, panis et caro, si nulla sit realis mutatio ?

Respondet Petrus Martyr reduci ad unam essentiam, quia fluit unum sacramentum : Sacramentum enim Eucharistie integrum constat ex signo, et re significata. At absurdissimum est quod dicit. Cum enim signum et res significata sint opposita relative, quomodo potest unum aliquid ex signo, et re significata constare ? Non enim vult ipse dicere, quod Catholicæ dicunt, sacramentum constare materialiter ex signo, et re significata re ipsa presente, et cum signo conjuncta ; sed formaliter constare ex signo, et re significata, quorum unum tantum abest ab altero, quantum celum a terra ; signum enim est tantum in terra, et res signata tantum in celo.

Septimum testimonium sumit ex epist. 6. lib. 1. ad Magnum, ubi scribit Cyprianus, corpus Domini panem vocari ex multorum granorum admodum congestum, et sanguinem vnum ex botris pluribus expressum.

Sed nulla est hic nova difficultas ; explicat enim Cyprianus, cur Dominus ex pane, et vino hoc sacramentum confidere voluit, et non ex aliqua alia re ; rationem autem esse dicit propter analogiam, que est inter panem, et vinum, et Ecclesiam Domini, que per Sacramentum illud significatur.

Sed urget adversarius illa verba : « Panem vocavit corpus ; atque inde colligit, ergo panis est corpus ; non est autem proprie ; ergo tropice ». Respondeo : panem ex Cypriani sententia vocatum esse a Domino corpus, cum dictum est in cena : *Hoc est corpus meum.* Quare panis vocatus est corpus, sed ipsa vocatione factus est vere corpus ; et ideo non sequitur, panem, dum est panis, esse corpus, sed qui fuerat panis, jam esse corpus. Quemadmodum cum exercitus privatus aliquem militem appellabat imperatorem, ipsa appellatione fiebat ille imperator ; nec poterat dici : homo privatus est imperator, sed qui fuerat paulo ante privatus, nunc est imperator.

Octavum testimonium proferunt ex lib. 11. epist. 3. ad Ceciliū, ubi sic legimus : « Nec potest videri sanguis ejus, quo redempti sumus, esse in calice, quando vinum dedit calici, quo Christi sanguis ostenditur. » Et infra : « Videmus in aqua populum intelligi, in vino

vere ostendi sanguinem Christi. » Et infra : « Sic vero calix Domini non est aqua sola, aut vinum solum, nisi utrumque sibi misceatur : quomodo nec corpus Domini potest esse farina sola, aut aqua sola, nisi utrumque adunatum fuerit, et copulatum, et panis unus compage solidatum. » Ex hoc loco deducunt adversarii primo, vinum necessario debere esse in calice, etiam post consecrationem. Nam post consecrationem vinum ostendit sanguinem Domini; quod autem non est, nihil potest ostendere. Secundo, eo vino sanguinem Domini ostendi, id est, significari, ac proinde non esse in calice Domini, nisi significare. Terzo, eo vino non ostendi sanguinem presentem, et in calice re ipsa existentem, sed absens. Nam ex modo per vinum ostenditur sanguis, quo per aquam populi : populi autem non sunt in calice, nisi significative. Hoc argumentum urgent Petrus Martyr, Petrus Boquinus, Beza, et alii.

Respondeo : locum hunc Cypriani, quo Petrus Martyr lib. *contra Gardinerum*, objecto 173, in fine gloriatur, ita perspicue asserti suam sententiam ex nullo alio possit asseri clarius, nihil omnino pugnare cum sententiis hereticorum, sed aperte destruere sententiam hereticorum.

Observandum est enim, multum interessa inter has duas propositiones : Vinum est sanguis Domini, et sanguis Domini est vinum. Nam prior propositio docet vinum esse sanguinem per similitudinem ; re ipsa autem, et proprie esse vinum, non sanguinem : posterior contra docet, sanguinem esse vinum per similitudinem ; re ipsa autem, et proprie esse sanguinem, non vinum : nec enim proprie esse potest, aut vinum sanguis, aut sanguis vinum, cum res illae sint specie diverse, et (ut loquuntur) termini disparati. Hinc fit, ut prior propositio, si apud Cyprimum vel alium Patrem inveniatur, non sit pro nobis, neque contra nos : posterior autem sit aperte pro nobis contra adversarios. Nam illa propositio : Vinum est sanguis Christi significativa, solum requirit, ut in Eucharistia sit vinum, quantum ad id, quod significat, id est, quantum ad accidentia exteriora : nam, ut supra ostendimus, ratione accidentium tantum vinum significat. Vere autem in Eucharistia remanet vinum, quantum ad accidentia significativa sanguinem Christi. Utrum autem cum accidentibus illis sit in Eucharis-

sia substantia vini, aut ipse Christi sanguis ; illa propositio nihil dicit, atque ita neque est contra nos, neque pro nobis. Altera autem propositio, nimis mirum : Sanguis Christi est vinum per similitudinem, est omnino pro nobis : nam requirit necessario ut in calice sit sanguis proprius, qui tamen habeat cum vino similitudinem. Neque possunt dicere, sanguinem Domini esse alieni ; quod accidentia, non quod substantiam, ut nos dicimus de vino. Nam non est impium separare accidentia vini ab ipsa ejus substantia : impium autem esset separare accidentia realia Christi ab ejus substantia, id enim esset Christum vere perire.

Jam igitur adversarii in Cypriano priorem tantum propositionem videre potuerunt, quae, ut ostendit, non est contra nos : at posteriorem etiam illis in eodem loco Cypriani ostendentes, que est apertissime contra eos. Si enim loquitur in illa epistola non procul a principio : « Nam cum dicas Christus : Ego sum vitis vera, Sanguis Christi non aqua est utique, sed vinum. Nec potest videri sanguis ejus, quo redempti sumus, esse in calice, quando vinum desit calici, quo Christi sancti ostenditur. » Haec ille. Ubi siue dicit, Christum esse vitam, non item esse Christum ; ita dicit, sanguinem ejus esse vinum, non vinum esse sanguinem : et cum sanguinem, quo redempti sumus, dicit esse in calice, sed demonstrari debere per vinum, quia sanguis est similis vino, non aqua. Et infra citat illud Genes. xix : *Lacab in vino stolam suam, et in sanguine uxoris amictum suum.* Et illud Isa. lxiii : *Quare rubicunda sunt vestimenta tua, et indumenta tua velut a calcinatione torcularis.* (1) ut probet sanguinem Domini dei virum, non viam dei sanguinem. Non enim Dominus lavit stolam suam (id est, carnem suam in passione) vino significante sanguinem, sed vero sanguine, qui habet cum vino similitudinem. Itabemus ergo in Cypriano posteriorē illam sententiam, quam ostendere volebamus.

Jam ad illa tria, quae ex Cypriano colligunt adversarii, nullo negotio responderi potest. Ad primum dico, vinum debere esse in calice, saltem quoad accidentia, ut diximus, quia per ea sanguinem ostendit. Ad secundum dico, sanguinem Domini vino significari, sed presentem in calice, non absentem. Nam ut ex Cypriano audiuvimus,

(1) Gen. XLIX, 11 ; Isa. LXIII, 2.

quod est in calice, vinum dicitur per similitudinem, sanguis autem est per proprietatem, et id sanguis, quo redempti sumus. Ad tertium dico, comparationes non in omnibus rebus convenire debere. Quare, licet dicat Cyprianus per vinum significari sanguinem, per aquam populos, non tamen inde colligi debet, in omnibus parés esse populos, et sanguinem Domini, ut si sanguis vere in calice sit, ibi etiam populos esse oportet. Nam aliqui sanguis Domini significaverunt ut pretium, et ut potus, populi autem non ita significantur : id denique principaliter in Eucharistia representatur corpus, et sanguis Domini, secundario autem populi. Ac de Cypriano haec fuisse.

QUARTA ETAS ECCLESIE AB ANNO DOMINI
300. AD 400.

Testimonium Nicenae Concilii.

Sequitur nunc etas Ecclesie quarta, in qua habemus insigna testimonia, videlicet Nicenae, I. concilii, Athanasii, Hilarii, Cyrilli Hierosolymitan, Ambrosii, Basilii, Optati, Gregorii Nysseni, Gregorii Nazianzeni, Ephremi, et Epiphani. Ac primum exstat testimonium Nicenae concilii I, in Actis ejusdem concilii in Vaticana Bibliotheca his verbis : « Item etiam hic in divina mensa ne humiliter intenti simus ad propositionem panem, et calicem, sed attollentes mentem, fide intelligamus situm in sacra illa mensa agnum illum Dei, tollentes peccata mundi, incurante a sacerdotibus immolatum, et prefosum ipsis corporis, et sanguinem vere nos sumentes credere haec esse nostra resurrectio symbola : propter hoc enim neque multum accipimus, sed parum, ut sciamus non ad satiationem, sed ad sanctificationem sumi. »

Hic testimonium agnoscent etiam adversarii, ut Joannes OEcclampsadius in *Dialogo cum Nathanaele*, Joannes Calvinus lib. IV. *Fasti*, cap. 17. §. 36, Petrus Boquinus in lib. de *Cena Domini* contra Hesbusium, Wilhelmus Klebitius in lib. *de Victor, veritatis in solutione tertii argumenti* : ac nituntur ipsi gravissimum hoc testimonium ad suam heresem stabilendam trahere, quasi concilium

Secundo idem probat ex eo, quod concilium dicit, agnum Dei in sacra mensa a sacerdotibus immolari ; nam per agnum omnes intelligunt ipsum Christum, ut distinguunt contra symbola, quem adversarii solum in celo esse dicunt. At non potest manus sacerdotum immolari, si tantum est in celo;

neque enim tam longas manus habent sacerdos-

tes, ut ad celum pertingant.

Tertio probatur ex illis verbis : « Prefos corpus ejus nos vere sumentes ». Quorum enim illud, *vere*, nisi ut opponatur figura ? At, inquit, nos vere sumimus